

آبونه شرائطی : هر بر ایچون
 سنه لکی (۴۰۰) الی ایلنی
 (۲۲۵) ، ممالک اجنبیه ایچون
 سنه لکی (۴۵۰) ، آلتی آیلنی
 (۲۵۰) غروشدور.

نسخه سی ۷،۵ غروشدور .
 سنه لکی ۵۲ عدددر .

اداره خانه : باب عالی جاده سنده
 رشید افندی خانه

اخطارات

آبونه بدلی پیشیندر .

مسلمه موافق آثار مع المنونیه
 قبول اولتور . درج ایدلین
 یازیلر اعاده اولتماز .

والله یهدی من یشاء الی صراط مستقیم

باش محرر
 محمد حاکف

صاحب و مدیر
 اشرف ادیب

آدره سی بیله آیرمجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونسی لازمدر

ممالک اجنبیه ایچون آبونه
 اولانلرک آدرس لرینک
 فرانسجه یازلسی رجا اولتور .

یاره کوندردلیکی زمان نهیه
 دائر اولدینی بیلدیرلسی
 رجا اولتور

اتبعون اهدکم سیل الرشاد

الکشاف

۱۳۳۰

معلم ترغیبسز، علوم دینیہ نک طالعی زبون، فقط دشمنی قوی ایدی. مدارس اسلامیہ نک همق، غیرتی اولماسه ایدی علوم دینیہ مہتانی افق ملدن چوقدن افول ایتیش بولنه جق ایدی ۱.

اوزمانک معارف ناظرلری سلطنت ناظرلری ایدی. سلطنت معارف ناظرلری خلقک معارف حقندہ کی تلقیاتی نظراعتبارہ آلمق لزومنه قانع دکلدی. اولر خلق اوزرنده یالکیز، سلطنت سورمک ذوقی عمدہ حیات اتخاذا ایدیورلردی. یکی انقلاب سلطنت معارف ناظرلرینک یرلرینہ خلق معارف وکیللرینی کتیردی. خلق معارف وکیللرینک معارف عمدہ لری نه اوله جق ایدی؟ بالطبع، خلقک معارف حقندہ کی تلقیاتی، دینی و دنیوی احتیاجاتی نظر اعتناہ آلمق واکا کورده بر معارف سیاسی تعقیب ایتک ایدی... دکلی؟

بویله بر معارف سیاسی تعقیب ایتک ایستہین بر خلق معارف وکیلنک ایلک تشبہی نه اولمق لازم کلیردی؟ ینہ بالطبع، مکتبلرده علوم دینیہ درسلرینک تزییدینہ، علوم دینیہ معلملرینک اہلیت لازمہی حائز کیمسہ لردن انتخابہ چالیشمق، طلبہ یی تشویق، معلملری ترفیہ ایلہ مک ایدی. چونکہ خلق بویله ایستہ بوردی... دکلی؟ لکن خلق معارف وکیللرنده بویله بر معارف سیاسی تعقیب ایدن کورولہ دی. اولنرده سلطنت معارف ناظرلرینک یورودکلری معارف یولندہ یورودیلر. بو یورویوشلر دنیا مک مکتبلرہ، دیسکدہ مدرسلرہ بیراقیلدینہ حمل ایدلدی و بو طرز حرکتی خوش کورنلرده اولدی. فقط، صوک معارف وکیلنک مدرسلرہ طاند نا کھانی سیاست معلومہ سی قارشوسندہ قالنجہ، نه مکتبلرده، نه مدرسلرده علوم دینیہ یه حق حیات و یریلک ایستہ نیلمدیکی آکلاشیلدی و بالطبع، بوتون تخمینلر بوشه چیقدی ۱. فی الحقیقہ، وسیلہ یاد و تذکار اولمق اوزرہ، دارالفنونده، مدرسلر نامنہ بر هیکل دیکیلدی واکا «الہیات فاکولتہ سی» عنوانی ویریلدی ۱.

فقط، تمثیل ایتدیکی مدرسلر کی، آزمونده منقرض اولمامہ سی ایچون، واکا عمل طاشلری لازم ایدی. مکتبلرده اوقونہ جق علوم دینیہ درسلری واکا عمل طاشی اوله جق ایدی. مدرسلرک وظیفہ لرینی بالوکالہ الہیات فاکولتہ سنہ ایفا ایتدیرمک ایستہین بر خلق معارف وکیلنک بر حسن نیت اثری اوله رق ایلک وظیفہ سی مدرسلرک قالی درجہ لرنده تدریس ایدیلن علوم دینیہ درسلرینی قالی مکتبلرک پروغراہ ملرینہ علاوه ایتک ایدی. خلقک معارف دینیہ یه اولان احتیاجی بشقہ دورلو تطمین ایتک امکانی یوق ایدی. فقط، تأسفہ چوق شایان درکہ یکی یاییلان مکاتب ابتدائیہ پروغراہی خلقک چوقلرینی علوم دینیہ تحصیلندن محروم بیراقہ جقدر.

مطبوع نسخہ سی نزد مندرہ بولنان یکی مکاتب ابتدائیہ پروغراہندہ

اسلامیتک اقطار طالع انتشاری ایچون الک مساعد بر وضعیتہ ایدی. لسان عرب کرک فصاحت، کرک طرز تفہیم و بیان، شمول و معنا اعتباریلہ موجود لسانلرہ قائق بولونیوردی. شعر و ادبیات آلنجی عصر میلادی ده الک زیادہ عربستانده انکشاف ایتیش ولسان عربی الک زیادہ تکمیل ایتشدی.

ایشته دین کمال اولان اسلامیت «اذا اراد الله شيئاً هياً اسبابه» قوی موجبہ محیط و شرائطی حاضر بولہ رق نشر انوار حقیقت ایتکہ باشلامشدر. عالم شمول اساساتیلہ بتون جهان بشریتک سعادت ورفاہ معنویسی و مادیسفی استہداف ایدن اسلامیت هیچ بر مایتہ تخصیصی ممکن اولیان بر دین فطری وکلدر. بشریتک یکانہ ہادیسی، یکانہ رہبر فوز و نجاتی تشکیل ایدن بودین مینک وجودہ کتیردیکی حرث متین بتون مسلمانلرک حرث مشترکدر.

مسلم حکمت

مکتبلرده علوم دینیہ

کچلرده، «معارف زده افلاس علامتلر» ندن بحث ایتشدک افلاسک الک قوتلی علامتی یکی تنظیم اولنان ایلک تدریسات پروغراہی ایدی. آنک ایچون بو پروغراہلہ بر آز مشغول اوله جغمزی سوبیلہ مشدک. بوهفته، یکی پروغراہہ نظراً، معارف دینیہ نک کلیاً افلاس ایتک اوزرہ بولندیغی کوسترن علامتلر اوزرنده توقف ایدہ جکم.

بدایت مشرطیتدنبری نظارت صندالیہ سی اشغال ایدن ناظرلرک یکانہ معارف عمدہ لری مکتبلرده کی علوم دینیہ درسلرینی سنہ دن سنہ یه آزالتمق، نہایت، کونک رندہ کلیاً قالدیرمق ایدی ۱ حتی بو معارف ناظرلری ایچندہ، «ساعات میتہ میانندہ الک چوق آجیدینم ساعتلر علوم دینیہ تدریسی اوغورندہ افنا اولنان ساعتلردر ۱» دین بر ذاتدہ وار ایدی. بو ذات الیوم بر حیات و - مع الاسف - مبعوندر. علوم دینیہ تدریسنہ تخصیص اولنان ساعتلری «ساعات میتہ» تلقی ایدن بو ذاتی «نظار میتہ» دن تلقی ایتکدہ ارباب ایمانک مشروع بر حیدر.

کندیسی کی، ضلالت فکریہ سی افشا ایتہ مکملہ برابر، عینی وجہلہ ضلالتزده بولان سلف و خلفلری ده او عمدہ یه تماماً صادق قالدیلر. وسنہ دن سنہ یه معارف دینیہ نک عمرینی قیصالتدیلر. پروغراہلرده، نظر بونجوغی مقامندہ اولمق اوزرہ علوم دینیہ درسلری کورولیوردی. فقط بودرسلرک، طلبہ نک حسیاتی اوزرنده کی فیض جریان، انحطاطلی مرمر طاشلری اوزرندن آقوب کیدن سسوقاق سیلارینک جریانلری کی ایدی. درس ساعتلری آرز، علوم دینیہ معلملری عاجز و ضعیف، امتحانلرده آلنان علوم دینیہ نومرولری قیمتسز، طلبہ تشویقسز،

فقط، بوخصوصده، هرشیدن اول زیان کورن، مغلوبیته دوچار اولان بشقه بر شخصیت معنویه وار: علوم دینه... مکتبی یوق، مدرسه سی یوق... معارف دینه ساحه سنده مرکز سادجه برهیکل وار: الهیات فاکولته سی!

اولیه بر الهیات فاکولته سی که تملی یوق، استنادکاهی یوق، پروغراملرنده علوم دینه درس لرندن بشقه نه آراسق بولورز. رئیس خاص الخواصی، طلبه نك ذهنی شمیدین یا کاش استقامتله طوغری سوق ایتمه ک جالشیر، رئیس عام العوامی ایسه «جائیدن و تاریندن طرد ایتدیکمز صوفته لی دارالفنونه صوفق ذلتی قبول ایدمه یز». دیور! صوفته لک علوم دینه حامیلکنندن بشقه بر معنایی واری در؟ وار سوزک معنایی ده «علوم دینه یی دارالفنونه صوفق ذلتی قبول ایدمه یز». دیمک دکلی در؟ علوم دینه درس لری الهیات فاکولته سی پروغرامندن حقیقه چیقاریلادی می ۱۹.

بالذات معارف وکیلی، مطبوعات مخارلرینه بیاناننده، «مدرسه لک الغاری قرارینی امضالارکن دویدیلم سرور متهیجانه یی هیچ بر صفحه حیاطمه دویامشدم». دیمه دی می؟ مدرسه لک علوم دینه منابعندن بشقه برشی اولمادقلرینی بیلمه یی واری در؟ معلوم محاکمه ائساننده، غزته جیلرعلینده تنظیم ایتدیکی ادا نامه کی رسمی بروثیقه ده غزته جیلردن زیاده - بلامناسب - «صوفته» لته هجوم ایتمه دی می؟ سوخته لک، مدرسه لک، علوم دینه نك مترادف کله لردن، لفظلردن اولدقلرینی بیلمه یی طرف می در؟ عربلر «الثمره تنی عن الشجرة» دیرلر. «آمار اشجارک آینه هوی در» دیمکدر، رؤسای معارفک اوکی سوزلری ده کندی ذهنیتلرینک آینه هوی دکلی در؟ اودهنیتده کی معارف رؤسانک تنظیم ایده جکلری مکاتب ابتدایه پروغرامی بالطبع بویه اولور.

محی عقیف

مدنی شهر نظام لری

~~~~~

زده، اخلاقی واجتماعی انضباطلری تأمینه خادم نه قادر صاعلام اساسلر واریسه، صورت حقندن کوزو که رک هپسنی بالطالامق ایستین بوزغونجیلر شیمدی ده بالطله لرینی عائله نك تمللرینه چویردیلر.

نکاح قییمق وظیفه سی شیمدیلک محله اماملرندن و آتیا ویرلک ایستینیلن شبکه نظراً محکمه لردن آله رق کاتب عدلاره دور و تودیع ایتک ایسته یورلر! استانبولک مدنی بر شهر حاله کله بیلمه سی ایچون نکاحلرک کاتب عدلار حضورنده عقد ایدمه سی لازم کیورمش... استانبولک مدنی بر شهر حاله کله سیله نکاحلرک کاتب عدلارکله قیلماسی

علوم دینه نك نه قادر اهل ایدلدیکنی آکلامق ایچون دینی درس لک نوعلرینی، عددلرینی، ساعتلرینی نظر تدقیقندن کچیره لم:

پروغرامده «قرآن و دین درس لری» عنوانی بر قسم وار. بو قسمده ویریلن ایضاحاته نظراً ایلک مکتبلرک بش صنفلرنده هفته ده ایکیش دفعه قرآن و دین درس لری او قودیله جقدر. درس مدتی قرق دقیقه در. بومدت ایچنده هم قرآن کریم، هم ده دین درس لری تدریس ایدیله جکدر. دین درس لرینه عائد اولق اوزره طلبه ده کتاب بولنامه جقدر. معلم، قرآن کریمی تدریس ایدرکن مناسب دوشوردکجه عقلنه کلن دینی مسئله لردن ده بحث ایده جکدر. ایشته، علوم دینه یی ویریلن اهمیتک درجه سی!

اوقومایه هنوز بسمله کش اولان بر چوجوغه؛ هر کون قرآن کریم درسی ویریلسه، ینه آزرشی او کره دیله بیلیر. هفته ده او قودیلان ایکی درس ایله هیچ برشی او کره دیله مز. قرق دقیقه، معلمک بر چوجوغه ویره جکی درس ایله اشتغال ایتمه سه آنجق کافی کله بیلیر. مکتبه اصغری بر تخمین ایله قرق طلبه وارسه، بو قرق دقیقه دن هر چوجوغه بر دقیقه دوشر. معلم، مسیحادم بر کیمسه اولسه بیله، قرآن کریم درسی چوجوغه بر دقیقه ده نفخ ایده مز! چوجوقلر ایله یکان یکان اشتغال ایتمه یی بر معلم ده هیچ برشی او کره ته مز. یالکنز قرآن کریم درسی بیله قرق دقیقه ایچینه صغیر مق امکانی یوق ایکن، دین درس لری ده آرایه کیریور. ماہر معارف وکیلزک، عادتاً، ده وپی ایکنه نك دایکندن کچیرمک ایسته دیکی کلاشیلور! او قرق دقیقه ایچنه صیقشوب قالان، نه معلمده نه ده طلبه ده کتابی بولنمایان، قرآن کریم درسیله علاقه سی اولمایان دین درس لرینک، نه صورتله و نه مناسبته او قودیله بیله جکفی بز آکلا یه میورز. اگر آکلا یان وارسه، مطلقاً «رفاعی» در!.

تدریسانده کوروله جکی شبه سز بولنان جدیتسز لکلری، اهلیتسز لکلری ده داخل حساب ایدنجه، مکتبلرده معارف دینه نك کلیاً افلاسه طوغر و کتدیکنه حکم ویره مزه هیچ بر مانع یوقدر. یالکنز پروغرامده - نقش بر آب کی - منقوش بولنان «قرآن کریم و دین درس لری» نك مکتبلردن قالدیرلماسی معلملر قونفره سنده تکلیف ایدوب ده قبول ایتدیرمه یی قومونست صدر الدین جلال بک، رفیق لرینی مؤاخذه صدندنه نشر ایتمش اولدینی مقاله سنده «یکی پروغرامی تدقیق ایدرسه کز؛ سزدن ده انقلابی اولان معارف وکیلک بو غایه یی طوغری مهم بر خطوه آتمش بولندیغنی کورورسکز». دیوردی. معلم مومی الهی تأمین ایدمه که یالکنز بر خطوه آتمقله قالماس؛ ایلک حمله ده منزل مقصوده واصل اولمشدر! کندیس ده معلملره مجادله سنده مغلوب دکل، غالب موقعنده بولنیور!